



Теңізшевройл деректер мен дәйектер

2019 жылдың бірінші жартысы бойынша мәлімет

Тарих/Қатысушылар:

- Әлемдегі ең терең және ірі мұнай кеніштерінің бірі болып саналатын Теңіз мұнай кеніші 1979 жылы ашылды.
- «Теңізшевройл» жауапкершілігі шектеулі серіктестігі (әрі қарай - ТШО) 1993 жылы 6 сәуірде Қазақстан Республикасы мен «Шеврон» компаниясы арасында жасалған келісім негізінде құрылды.
- ТШО-ның қазіргі кездегі серіктестері: «Шеврон» – 50%, «ҚазМұнайГаз» ҰК АҚ – 20%, «ЭксонМобил Қазақстан Венчурс Инк.» – 25% және «Лукарко Б.К.» – 5%.

Өнім өндіру/Қорлар:

- Жалпы барланған қоры жөнінен Теңіз кенішінде 3,2 миллиард тонна (25,5 млрд. баррель), ал Королев кен алаңында 200 миллион тонна (1,6 млрд. баррель) шамасында мұнай бар деп есептеледі.
- Теңіз және Королев кеніштерінен алынатын мұнай қоры 890 миллионнан 1,37 миллиард тоннаға дейінгі мөлшерді (7,1 - 10,9 миллиард баррель) құрайды.
- Теңіз коллекторының ені 20 шақырым (12 миль), ұзындығы 21 шақырым (13 миль).
- ТШО 2008 жылы Шикі газ айдау және Екінші буын зауыты (ШГА/ЕБЗ) жобасын аяқтап, нәтижесінде мұнай өндірудің тәуліктік көлемі шамамен 75 000 тоннаға немесе 600 000 баррельге, ал, табиғи газ 22 миллион текше метрге немесе 750 миллион текше футқа жетті.
- 2019 жылдың бірінші жартысында мұнай өндіру көлемі 14,96 миллион тоннаны (119,4 миллион баррель) құрады.

Денсаулық сақтау, өнеркәсіп қауіпсіздігі және қоршаған ортаны қорғау

- 2000 жылдан бері ТШО табиғат қорғау шараларын іске асыруға 3,1 миллиард АҚШ доллар қаржы салған.
- 2000 жылдан бері өндірілген мұнайдың бір тоннасына шаққандағы атмосфераға жіберілген шығарындылардың көлемі 74%-ға азайды.
- 2019 жылдың бірінші жартысында ТШО өндірілген газдың 99%-ын кәдеге жаратты.
- 2019 жылдың бірінші жартысында ТШО-да суды қайта пайдалану көрсеткіші 30%-ды құрады. ТШО тұрмыстық ағын суларды кәдеге жарату, өндірістік мақсатта тазарту және қайта пайдалану арқылы суды үнемдеу бойынша іс-шараларды жүргізуді жалғастыруда.
- ТШО қалдықтардың 25-тен аса түрін қайта өңдеуге жібереді. 2019 жылдың бірінші жартысында ТШО-ның қалдықтарды қайта өңдеудің жалпы көрсеткіші 69%-ды құрады.

ТШО өнімінің өзге түрлері:

- 2019 жылдың бірінші жартысында ТШО сұйытылған газ сату көлемін шамамен 672 мың тоннадан асырып, құрғақ газ сату көлемін 4 миллиард текше метр, ал күкірт сату көлемін 1,3 миллион тоннаға жеткізді.

Қазақстан Республикасы үшін артықшылықтар:

- 1993 жылдан 2019 жылдың бірінші жартысына дейін ТШО-ның Қазақстан Республикасына тікелей қаржы төлемдері 141 миллиард АҚШ доллардан астам соманы құрады. Бұған ТШО-ның жергілікті қызметкерлеріне төленген еңбекақы, қазақстандық тауар өндірушілер мен жабдықтаушылардың өнімдері мен қызметтерін сатып алуға жұмсалған қаржы, мемлекеттік кәсіпорындарға аударылатын тарифтер мен төлемдер, қазақстандық серіктеске бөлінген тиісті дивидендтер, сонымен қатар мемлекеттік бюджетке аударылған салық және роялти түріндегі төлемдер кіреді.
- 2019 жылдың бірінші жартысында Қазақстан Республикасына төленген тікелей төлемдердің көлемі 5,6 миллиард АҚШ доллардан асты.
- 2019 жылдың бірінші жартысында ТШО қазақстандық тауарлар мен қызметтерді пайдалануға 2,1 миллиард АҚШ доллардан астам қаржы жұмсады, оның 1,6 миллиард АҚШ доллардан астамы КҚЖ-ҰЕҚБЖ аясында жұмсалды.



Теңізшевройл деректер мен дәйектер

2019 жылдың бірінші жартысы бойынша мәлімет

- 1993 жылдан бастап ТШО қазақстандық компаниялардың 30 миллиард АҚШ доллардан астам қаражатын құрайтын тауарлары мен қызметтерін пайдаланды.

Қызметкерлерді шыңдау:

- Қазіргі таңда ТШО-да жұмыс істейтін қазақстандық қызметкерлердің үлесі 1993 жылғы 50% көрсеткішпен салыстырғанда 81,2%-ды құрайды.
- ТШО-дағы жергілікті ұлттық басшылардың, жоғары және орта буын жетекшілерінің үлесі жалпы басшылық құрамның 62,6%-ын құрайды. Кадрларды оқыту және шыңдау жөніндегі тұрақты бағдарламаны жүзеге асыру нәтижесінде жауапты басшылық лауазымдарға тағайындалған жергілікті қызметкерлер қатары көбейе түсуде.

Әлеуметтік салаға үлес:

- 1993 жылдан бастап ТШО өз қызметкерлері мен жергілікті тұрғындардың игілігі үшін Атырау облысының әртүрлі әлеуметтік жобаларына 1,8 миллиард АҚШ доллардан астам қаржы жұмсады.
- «Игілік» ерікті әлеуметтік инфрақұрылым бағдарламасының 2019 жылғы бюджеті 25 миллион АҚШ долларын құрайды. Аталмыш қаржының негізгі үлесі Атырау облысында балабақшалар, мектептер және басқа да әлеуметтік нысандардың құрылысына жұмсалады.
- 2019 жылы Атырау облысының денсаулық сақтау және білім беру салаларына қолдау көрсету мақсатында ТШО-ның әлеуметтік инвестициялар бағдарламасына 1 миллион АҚШ доллардан астам қаржы бөлінеді.

Келешек кеңею жобасы - Ұңғы ернеуіндегі қысымды басқару жобасы

Жалпы мағлұмат

- 2016 жылы ТШО Серіктестері Теңіз кен орнының өндірістік қуаттылығын арттырудың келесі кезеңі болып табылатын Келешек кеңею жобасы мен Ұңғы ернеуіндегі қысымды басқару жобасын (ККЖ-ҰЕҚБЖ) қаржыландыруға қатысты қорытынды шешімнің қабылданғаны туралы хабарлады.
- ТШО-ның сәтті жүзеге асқан ШГА/ЕБЗ жобасының негізінде, ККЖ мұнай өндіру көлемін жылына шамамен 12 миллион тоннаға немесе тәулігіне 260 000 баррельге арттырмақ. Мұнай өндірудің жалпы көлемі жылына шамамен 39 миллион тоннаны немесе тәулігіне 850 000 баррельді құрайды.
- ҰЕҚБЖ көніштегі ұңғы ернеуіндегі қысымды төмендетіп, өнім зауытқа жеткен кезде қолданыстағы алты технологиялық желінің кіреберісіндегі қысымды көтеру арқылы Теңіз кен орнындағы қолданыстағы зауыттарды толық қуатта ұстап тұратын болады.

Қазақстандық қамту

- Ел аумағында ККЖ-ҰЕҚБЖ аясында 48 000-нан астам қазақстандық азаматтар еңбек етеді, бұл Қазақстандағы жоба қызметкерлері жалпы санының 91%-ын құрайды.
- ТШО қазақстандық компанияларды ККЖ-ҰЕҚБЖ аясындағы жобалау, сатып алу, құрастыру жұмыстарына жұмылдырды және осы күнге дейін 2200-ден астам қазақстандық компанияны алдын ала іріктеуден және 1800 компания алдын ала біліктілік бағалауынан өткізді. Жоба басталғалы қазақстандық қамту шығындары 6,7 миллиард АҚШ долларын құрады.

Әлем бойынша жобаның жұмыс барысы

- Жобалау бойынша ілгерілеу көрсеткіші 90%-дан асты.
- ККЖ-ҰЕҚБЖ жабдықтарының негізгі бөлігі Қазақстанда, Оңтүстік Кореяда және Италияда жасалуда. Жабдықтар модульдерге орнатылғаннан кейін, олар Теңіз кен орнына түпкілікті жиналып, монтаждалуы үшін тасымалданады.
- Құрастырмалы модульдік эстакадалар Қазақстандағы «ЕРСАЙ» өндірістік алаңында монтаждалуда. Бүгінгі күнге дейін Теңіз кен орнына 51 құрастырмалы модуль эстакадасы жеткізілді.



Теңізшевройл деректер мен дәйектер

2019 жылдың бірінші жартысы бойынша мәлімет

- Италиядағы Авенца өндіріс алаңынан барлық 5 газ-турбиндік генератор табысты түрде жөнелтілді.
- Оңтүстік Кореяда модульдерді жасау жұмыстары жалғасын табуда. Бүгінгі күнге дейін Оңтүстік Кореядағы өндіріс алаңынан 34 модуль жөнелтілді.

Теңіз кен орнындағы жоба бойынша жұмыс барысы

- Теңізде жалпы мақсаттағы қызметтер тобы барлық аса маңызды жұмыстарды орындауын жалғастыруда.
- Өндірісті басқарудың біріктірілген орталығының (ӨББО) құрылысы жалғасуда. ӨББО жалпы Теңіз кен орнын игерудің басты басқару орталығы болады.
- Басқару және электрмен қамтамасыз ету жүйелері: Базалық қосалқы станциясындағы құрылыс және монтаждау жұмыстары аяқталуға жақындап келеді. Жуырда ол кернеуге қосуға дайын болады.
- Жинау жүйесі жоғары қысымды жинау жүйесінің бірінші кезегін іске қосу мақсатында жұмыс атқаруда.
- ҮБЗ-да механикалық/электр жабдығын және бақылау-өлшеу аспаптарын монтаждау жалғасуда.
- ҮБШГА нысанында ҚМЭ орнату жұмыстары жалғасуда.